

## CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DA PASTORIZA PARA A CONTRATACIÓN DE PERSOAL DE APOIO PARA O CENTRO DE INTERPRETACIÓN DE BRETOÑA E PARA O CENTRO DE INTERPRETACIÓN DO ALTO MIÑO EN FONMIÑÁ

Santiago de Compostela,

### REUNIDOS

Dunha parte, D. José Manuel Merelles Remy, director da **Axencia de Turismo de Galicia**, en virtude do nomeamento efectuado polo Decreto 75/2024, do 22 de abril (DOG núm. 81, do 24 de abril), e conforme ás facultades que lle confire o apartado dous da disposición adicional segunda do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 101, do 27 de maio), que desconcentra na persoa titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia de Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

E doutra parte, D. Darío Cabaneiro Santomé, en nome e representación como Alcalde Presidente do **Concello da Pastoriza**, segundo o disposto no artigo 21.1 b) da Lei 7/1985, do 2 de abril, reguladora das bases de réxime local.

Todas as partes, no nome e representación no que concorren e coa capacidade legal suficiente para este acto

### EXPOÑEN

**Primeiro.-** Que a Comunidade Autónoma de Galicia ten competencias, con carácter exclusivo, tal e como se desprende do contido do seu Estatuto de Autonomía, en materia de promoción e ordenación do turismo dentro da comunidade (artigo 27.21).

Que tal e como establece a Lei 7/2011, de 27 de outubro, do turismo de Galicia, a Xunta de Galicia, propiciará unha ordenación racional, equilibrada e sustentable dos recursos turísticos co obxectivo de garantir o equilibrio territorial e, para conseguir este fin, establecerá as pertinentes



canles de cooperación con outras administracións tanto estatais como autonómicas e locais, así como co sector privado.

Que a Axencia de Turismo de Galicia é a entidade da Xunta de Galicia á que lle corresponde o exercicio, entre outras, das competencias en materia de ordenación, promoción, xestión e fomento do turismo.

A Axencia de Turismo de Galicia ten entre os seus obxectivos básicos levar a cabo accións de potenciación e desenvolvemento do turismo na Comunidade Autónoma de Galicia, como un factor de crecemento económico, polo que entre as súas prioridades está a de contribuír á realización de actuacións que impliquen conseguir este obxectivo.

**Segundo.-** Que as entidades locais teñen atribuídas, a teor dos artigos 80 da Lei 5/1997, do 22 de xullo, de Administración local de Galicia e 25.2 h) da Lei 7/1985, do 2 de abril, reguladora das bases do réxime local, posto en relación coa Lei 7/2011, do 27 de outubro, do turismo de Galicia, competencias en materia de información e promoción da actividade turística de interese e ámbito local.

**Terceiro.-** Que entre as competencias que, no relativo ás relacións coas entidades locais galegas, lle corresponden á Xunta de Galicia, de acordo co disposto nos artigos 194 e 195 da Lei 7/1997, do 22 de xullo, de administración de Galicia, está a de cooperación e colaboración, as cales se poden levar a cabo mediante a formalización de convenios.

Para lograr esta finalidade a Axencia de Turismo de Galicia, acomete, no ámbito das súas competencias, un decidido apoio ás iniciativas das entidades locais.

**Cuarto.-** O Concello da Pastoriza pretende reforzar os servizos municipais de carácter cultural e turístico coa contratación laboral temporal de dúas persoas, a media xornada, para prestaren servizo no Centro de Interpretación (CIN) de Bretoña e no Centro de Interpretación (CIN) do Alto Miño de Fonmiñá.

O concello da Pastoriza ten abundantes xacementos arqueolóxicos, sobre todo de época prehistórica e castrexa. De igual xeito, diversas mostras na toponimia testemuñan a presenza de pobos prehistóricos nestas terras.



Unha das épocas máis relevantes deste concello circunscríbese á actual parroquia de Bretoña e retrotráenos ao século V. Son varios os historiadores que sitúan aquí o que foi o *Mosteiro Máximo* da Diocese Bretona de Galicia, sendo a primeira diocese cristiá de España da que existen referencias documentais, e que estaría situada no lugar que actualmente ocupa a igrexa de Santa María de Bretoña. O *Parochiale Suevum* (século VI) é o documento máis antigo que fala desta primitiva e misteriosa diocese, dándonos noticias tamén de diferentes bispos de Britonia coma Mailoc (ou Maheloc), Metopio, Sona ou Bela, entre outros.

Ao longo dos séculos V e VI os antigos habitantes das Illas Británicas tiveron que abandonar a súa patria ante o avance dos anglosaxóns invasores. Unha boa parte dos fuxitivos refuxiáronse na Armórica galo-romana (hoxe Bretaña francesa) mentres que outros grupos alcanzaron o Noroeste peninsular. Un grupo penetrou pola ría de Foz e o val do Masma, asentándose finalmente nunha ampla chaira situada tralos montes dos actuais concellos de Mondoñedo e A Pastoriza, unha zona que a partires de entón -e en honor aos seus novos ocupantes- foi coñecida como Britonia, a actual Bretoña no concello da Pastoriza.

Na actualidade o Concello da Pastoriza está recuperando o grande patrimonio histórico e cultural para poñer en valor o seu pasado. Iniciativas como o CIN de Bretoña ou as intervencións arqueolóxicas no Castro de Saa son un bo exemplo.

Os detalles da forma de vida e a organización daqueles asentamentos perdéronse no pasado, pero a pegada de Britonia segue viva en Bretoña e converteuse nun motivo de orgullo e reivindicación para os habitantes da Pastoriza. De feito, aquel episodio histórico inspirou a posta en marcha do centro de interpretación no que é posible achegarse a aquela época a través de paneis informativos e dalgunhas réplicas das pezas de cerámica e xoias que foron atopadas nas escavacións realizadas na zona. Os paneis mostran o contexto histórico da época da chegada da poboación bretoa, a situación na que se atopaba Galicia e cuestións de interese como o papel que xogou Manuel Chamoso Lamas ou a pegada que deixaron na zona outras personalidades diversas. O CIN Bretoña ten a súa sede nunha vivenda construída hai un século por un emigrante retornado de Cuba e rehabilitada para este novo uso polo Concello da Pastoriza en datas moi recentes.

O CIN Bretoña é ideal para visitas en familia ou con amigos, ofrecendo unha viaxe guiada a través da historia, desde a antigüidade ata a actualidade, cun enfoque didáctico e interactivo. Ademais, o centro organiza actividades culturais e educativas para todos os públicos, como obradoiros, conferencias, concertos ou visitas teatralizadas.



**Quinto.-** Situado no reborde da meseta lucense, A Pastoriza presenta unha paisaxe de transición á alta montaña, rodeada polo Cordal de Neda, a Serra de Lourenzá, a Serra de Meira e a Serra de Pousadoiro. Paisaxe de prados e pastos separados por vexetación autóctona, con numerosos puntos paisaxísticos de interese e dúas áreas recreativas: A Ribeira e O Acebreiro.

O Centro de Interpretación Alto Miño, na Lagoa de Fonmiñá, situado no municipio da Pastoriza, ofrece un espazo divulgativo dedicado ao nacemento do río Miño e ao valioso ecosistema que o rodea. O CIN foi concibido para albergar un centro versátil que se utilizará, segundo os casos, como aula da natureza, espazo de lectura, lugar de contemplación, museo. En consecuencia, interiormente será un espazo polivalente, pouco compartimentado, con fácil adaptación ás distintas necesidades de exposición ou actividades que vaian xurdindo. A través de paneis, recursos audiovisuais e actividades didácticas, o centro achega a visitantes e turistas a riqueza natural, cultural e etnográfica da comarca, sendo o lugar perfecto para apreciar e poñer en valor o extenso patrimonio material e inmaterial do concello.

Desde o CIN de Fonmiñá accédese á Lagoa de Fonmiñá, lugar emblemático considerado tradicionalmente como a orixe do Miño, converténdose nun punto de referencia para o turismo sustentable e a educación ambiental en Galicia.

Os dous centros de interpretación son un dos recursos turísticos que constitúen un valor diferenciado non só do concello senón da nosa Comunidade Autónoma. O obxectivo é poder seguir ofrecendo os seus abanos de posibilidades, tanto á poboación da Pastoriza como ós seus visitantes e turistas. Por este motivo, as partes consideran necesario formalizar un convenio de colaboración co fin de dotar de persoal ás instalacións e ofrecer os servizos dedicados a cada un deles, posto que se trata dunha acción de interese común definida para potenciar o turismo cultural.

O presente convenio de colaboración implica a concesión dunha subvención directa ao abeiro do disposto no artigo 19.4.c) da Lei 9/2007, do 13 de xuño, de subvencións de Galicia, por parte da Axencia de Turismo de Galicia. Esta Axencia entende que é de interese público colaborar para a apertura ao público e realización das visitas nos citados centros e un atractivo turístico tanto para o concello como para a Comunidade Autónoma de Galicia, o que incide na promoción e potenciación do Turismo en Galicia, non sendo posible promover a concorrencia, por ser o concello a entidade impulsora da actuación.



Por todo o exposto acordan asinar este convenio de colaboración baseándose nas seguintes

## CLÁUSULAS

### Primeira.- Obxecto

O obxecto deste convenio é o establecemento das bases de colaboración entre a Axencia de Turismo de Galicia e o Concello da Pastoriza para a contratación de dúas persoas a media xornada durante nove meses como persoal de apoio para o Centro de Interpretación de Bretoña e para o Centro de Interpretación do Alto Miño en Fonmiñá.

### Segunda.- Orzamento e financiamento. Gastos subvencionables

O orzamento estimado para a execución das accións obxecto deste convenio ascende a 17.096,22 € que se distribúen do seguinte xeito:

CONCEPTO	CUSTO
Soldo bruto mensual media xornada 1 traballador (SMI 2026)	610,50 €
Parte proporcional pagas extras media xornada 1 traballador	101,75 €
Cota patronal media xornada 1 traballador	237,54 €
Total custo mensual 1 traballador media xornada	949,79 €
<b>Total custo 2 traballadores media xornada 9 meses</b>	<b>17.096,22 €</b>

A Axencia de Turismo de Galicia achegará 17.096,22 € (100%) con cargo á aplicación orzamentaria 04.A2.761A.460.0, proxecto 2015 00006 "Promoción e potenciación do Turismo", dos orzamentos xerais da Comunidade Autónoma de Galicia para o ano 2026.

Esta achega canalízase a través dunha subvención concedida polo procedemento de concesión directa de acordo co establecido nos artigos 19.4.c) e 26 da Lei 9/2007, do 13 de xuño, de subvencións de Galicia, e 36.c) e 40 do seu Regulamento.

De acordo co previsto no artigo 29 da Lei 9/2007, do 13 de xuño, consideraranse subvencionables os gastos que, sen admitir dúbida, respondan á natureza da actividade subvencionada de acordo coa previsión de orzamento recollida na cláusula segunda e que se realicen a partir do **1 de**



**xaneiro 2026.** En ningún caso o custo de adquisición dos gastos subvencionables poderá ser superior ao valor de mercado.

Os gastos financeiros, os gastos de asesoría xurídica ou financeira, os gastos notariais e rexistrals e os gastos periciais para a realización do proxecto subvencionado recollidos no artigo 29 da Lei 9/2007, do 13 de xuño, de subvencións de Galicia, non serán subvencionables.

### **Terceira.- Ausencia de relación laboral**

A subscripción deste convenio non implica relación laboral, contractual ou de calquera outro tipo entre os profesionais que van desenvolver as actividades e a Axencia de Turismo de Galicia - Xunta de Galicia, de tal xeito que non se lle poderá esixir responsabilidade algunha, directa, indirecta nin subsidiaria, polos actos ou feitos acaecidos no seu desenvolvemento.

### **Cuarta.- Compromisos das partes**

A **Axencia de Turismo de Galicia** comprométese, para a realización das actuacións obxecto deste convenio, a achegar os importes establecidos na cláusula segunda.

O **Concello** comprométese coa sinatura deste convenio a:

- Executar as accións obxecto do presente convenio e poñer todos os medios técnicos e humanos necesarios para o seu desenvolvemento e asumir os gastos de persoal e correntes que orixinen a posta en marcha das actividades.
- Incluír en toda a documentación e soportes específicos para a actuación que se trata dunha actuación con financiamento da Xunta de Galicia a través da Axencia de Turismo de Galicia, incluír a marca Xacobeo 27 de conformidade co Decreto 3/2026, do 26 de xaneiro, polo que se regula a utilización da marca Xacobeo 2027, e a marca "Galicia Calidade" en todas as actividades obxecto do presente convenio de colaboración. Os logos poderán descargarse na seguinte ligazón: <https://www.turismo.gal/marca01>.
- Como beneficiario dunha subvención o concello deberá dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións.



- Comunicar á Axencia de Turismo de Galicia a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos. De acordo co disposto no artigo 40.1 d) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a achega económica prevista neste convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.

En ningún caso o importe das subvencións ás que se refire o parágrafo anterior poderá superar, no seu conxunto, o custo da actividade subvencionada, ao abeiro do disposto no artigo 17.3 da Lei 9/2007, do 13 de xuño.

- Reintegrar, total ou parcialmente, a subvención percibida no suposto de incumprimento das condicións establecidas para a súa concesión, e a exixencia do xuro correspondente desde o pagamento da subvención ata a data en que se acorde a procedencia de reintegro cando conorra algunha das causas sinaladas no artigo 33 da Lei 9/2007, do 13 de xuño, de subvencións de Galicia.

- Facilitar toda a información que se lle requira pola Axencia de Turismo de Galicia en relación coa xustificación do convenio, pola Intervención Xeral da Comunidade Autónoma de Galicia, o Tribunal de Contas e o Consello de Contas, no exercicio das súas funcións de fiscalización e control de destino de axudas.

- Subministrar á Axencia de Turismo de Galicia, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola Axencia de Turismo de Galicia, das obrigas previstas no Título I da citada lei. No caso de non atender o requirimento de información en prazo, procederase conforme ao establecido no artigo 4.4 do citado texto legal.

- As demais obrigas previstas no artigo 11 da Lei 9/2007, do 13 de xuño.

#### **Quinta.- Subcontratación**



Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia. En todo caso quedan fóra da subcontratación aqueles gastos nos que teña que incurrir o Concello da Pastoriza para a realización por si mesma da actividade subvencionada.

A necesidade da subcontratación estará debidamente motivada pola entidade beneficiaria e, en ningún caso, suporá un aumento do custo da actividade subvencionada.

Os subcontratistas quedarán obrigados soamente ante o concello, que asumirá a total responsabilidade da execución da actividade subvencionada fronte á administración. O organismo local será o responsable de que na execución da actividade subvencionada concertada con terceiros se respecten os límites establecidos neste convenio en canto á natureza e contía dos gastos subvencionables e esixiranlles ás/aos subcontratistas os documentos acreditativos dos pagamentos correspondentes.

A subscrición deste convenio non implicará relación laboral ou de calquera outra natureza entre a Axencia de Turismo de Galicia e as persoas ou profesionais dependentes das entidades que desenvolvan as accións que constitúen o seu obxecto, de tal xeito que, por este concepto, non se lle poderá esixir responsabilidade algunha directa nin subsidiaria.

#### **Sexta.- Xustificación do convenio**

O concello, segundo se establece no artigo 8 do Decreto 193/2011, do 6 de outubro, polo que se regulan especialidades nas subvencións ás entidades locais galegas, estará obrigado a xustificar ante a Axencia de Turismo de Galicia o cumprimento da finalidade da subvención, a realización da actividade ou adopción do comportamento que fundamentou a súa concesión e o seu custo real, mediante a presentación dunha conta xustificativa integrada, con carácter xeral, pola documentación que se relaciona a continuación, e que incorporará, en todo caso, a **certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.**

A xustificación da execución das actividades subvencionadas diante da Axencia de Turismo de Galicia realizarase segundo a modalidade de conta xustificativa de acordo co disposto no artigo 9 do citado Decreto 193/2011, do 6 de outubro, para o que o concello deberá presentar:



a) Certificación expedida pola Secretaría da entidade local, co visto e prace do/a alcalde/sa ou presidente/a, relativa á aprobación polo órgano competente da conta xustificativa da subvención na que se faga constar, como mínimo, de forma detallada:

- O cumprimento da finalidade da subvención.
- Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente. Salvo disposición expresa das bases reguladoras, e sen prexuízo do previsto na letra c) deste mesmo artigo, non será esixible a remisión dos documentos relacionados no artigo 48.2 b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

b) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

c) Se é o caso, os tres orzamentos que se esixen en aplicación do artigo 29.3 da Lei 9/2007, do 13 de xuño, de subvencións de Galicia.

d) Deberá indicarse un número de conta para o ingreso dos fondos e xuntar unha declaración responsable da veracidade dos datos relativos á dita conta.

Así mesmo, deberá achegarse polo concello:

- Certificación emitida pola Secretaría da entidade local acreditativa do cumprimento da normativa de contratación do sector público.
- Declaración responsable do órgano competente da entidade de estar ao día no cumprimento das obrigas tributarias e fronte á Seguridade Social, e de non ter pendente de pagamento ningunha outra débeda coa Administración pública da Comunidade Autónoma.

Ademais de presentarse coa xustificación, estas declaracións tamén deberán presentarse con anterioridade á sinatura do presente convenio.



O prazo para presentar a documentación xustificativa da subvención e realizar a execución do obxecto do convenio será dende a formalización do convenio ata o **15 de decembro 2026**.

A documentación correspondente á xustificación presentarase de forma electrónica a través da sede electrónica da Xunta de Galicia (<http://sede.xunta.gal>).

De non xustificarse en prazo a cantidade total subvencionada, o Concello deberá reintegrar proporcionalmente o non xustificado, e a Axencia de Turismo de Galicia minorará a súa achega proporcionalmente ao non xustificado, sempre e cando se acade o obxecto do convenio.

Non obstante, non se entenderá incumprida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado, cando obedezan a razóns xustificadas, e sempre que se xustifique o importe total.

Ao abeiro do disposto no artigo 3 do Decreto 193/2011, do 6 de outubro: *"1. Con carácter xeral, considerarase gasto realizado cando se teña contabilizado o recoñecemento da obriga polo órgano competente da entidade local. As entidades locais beneficiarias estarán obrigadas a acreditar documentalmente a efectividade dos pagamentos realizados no prazo máximo de sesenta días naturais contados a partir da data do ingreso na conta bancaria das beneficiarias de cada un dos aboamentos das subvencións concedidas.*

*Non obstante, no caso de realizarse pagamentos anticipados como financiamento necesario para poder levar a cabo as actuacións subvencionadas, considerase gasto realizado o que foi efectivamente pagado pola entidade local beneficiaria con anterioridade á finalización do período de xustificación determinado pola normativa reguladora da subvención".*

### **Sétima.- Pagamentos anticipados e á conta**

Poderanse realizar pagamentos anticipados que suporán entregas de fondos con carácter previo á xustificación, que conforme co artigo 6.1.Un do Decreto 193/2011, do 6 de outubro, polo que se regulan especialidades nas subvencións ás entidades locais galegas, poderán acadar un 80% dos primeiros 18.000,00 € da subvención concedida, e un 10% adicional sobre o importe que exceda dos citados 18.000,00 €, e sen que supere a anualidade prevista en cada exercicio orzamentario.



Así mesmo poderanse realizar pagamentos á conta conforme ao artigo 62 do Regulamento da Lei de subvencións de Galicia, que poderán supoñer a realización de pagamentos fraccionados que responderán ao ritmo de execución das accións realizadas. Para proceder ao seu pagamento, o Concello da Pastoriza deberá enviar a documentación xustificativa relacionada na cláusula sexta.

A suma dos pagamentos a anticipados e á conta non será superior ao 80% das porcentaxes subvencionadas correspondente aos pagos xustificados, nin excederá da anualidade prevista en cada exercicio orzamentario.

Coa solicitude de anticipo, o concello terá que presentar certificacións ou declaración responsable de estar ao corrente no cumprimento das obrigas tributarias ou fronte á Seguridade Social e de non ter pendentes de pago algunhaoutra débeda coa Administración pública da Comunidade Autónoma. Así mesmo, debe xuntarse declaración responsable da obtención doutras subvencións, axudas, ingresos ou recursos que financien as actividades subvencionadas.

Conforme ao artigo 65.4.c) do Regulamento da Lei 9/2007, do 13 de xuño, desubvencións de Galicia, o Concello queda exonerado da constitución da garantía relativa aos pagamentos anticipados e á conta previstos nesta cláusula.

### **Oitava.- Compatibilidade**

A achega económica prevista no presente convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.

De conformidade co artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

### **Novena.- Comisión de seguimento**

Créase unha comisión de seguimento para a avaliación das actuacións estipuladas no presente convenio que estará integrada por un representante da Axencia de Turismo de Galicia e un representante do Concello da Pastoriza.



Esta comisión, presidida polo representante da Axencia de Turismo de Galicia, velará polo cumprimento dos obxectivos fixados no convenio e reunirse cando o solicite algunha das partes.

Está Comisión actuará segundo o previsto no Capítulo II do Título Preliminar da Lei 40/2015, do 1 de outubro, de réxime xurídico do sector público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas pola persoa titular da Dirección da Axencia de Turismo de Galicia.

### **Décima.- Modificación e resolución do convenio**

1. Toda alteración das condicións tidas en conta para a concesión da subvención dará lugar á modificación do convenio, sendo de aplicación as previsións ao respecto contidas na Lei 9/2007, do 13 de xuño, e no regulamento da dita lei.

Calquera modificación do presente convenio deberá acordarse de xeito expreso e por escrito das partes asinantes e de acordo coa normativa vixente.

Ao abeiro do disposto no artigo 7 do Decreto 193/2011, a entidade beneficiaria da subvención deberá presentar a solicitude de modificación da subvención concedida cunha antelación mínima **dun mes**. A modificación deberá respectar o obxecto da subvención, as actividades subvencionadas e evitar actuacións deficientes ou incompletas. A solicitude deberá acompañar a documentación establecida no apartado 4 do citado artigo 7:

- a) Memoria xustificativa, na cal ademais se faga constar que non se desvirtúa o proxecto subvencionado, que non suporá unha actuación deficiente e que se cumpre co obxectivo da resolución da concesión.
- b) Orzamento ou proxecto modificado.
- c) Relación e identificación concreta dos cambios introducidos en cadro comparativo.

Así mesmo, e de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral



da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

2. Serán causas de resolución deste convenio:

- O incumprimento do seu obxecto.
- O incumprimento total ou parcial de calquera das cláusulas que nel se establecen.
- O acordo unánime de todos os asinantes.
- A decisión xudicial declarativa da nulidade do convenio.

#### **Décimo primeira.- Reintegro da subvención**

Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia, e concordantes do Decreto 11/2009, do 8 de xaneiro.

No caso de que se produza exceso das subvencións percibidas de distintas entidades públicas, o concello deberá reintegrar o exceso xunto cos xuros de demora, nos termos que establece o artigo 23 do Decreto 11/2009, do 8 de xaneiro, polo que se aproba o Regulamento da lei de subvencións de Galicia.

#### **Décimo segunda.- Natureza xurídica e xurisdición competente**

Este convenio ten natureza administrativa, e queda fóra do ámbito da Lei 9/2017, do 8 de novembro, de contratos do sector público, que os exclúe expresamente o artigo 6.1.

Seralle de aplicación o réxime determinado pola Lei 9/2007, do 13 de xuño, de subvencións de Galicia; o Decreto 11/2009, do 8 de xaneiro, que a desenvolve; o Decreto 193/2011, de 6 de outubro, polo que se regulan especialidades nas subvencións ás entidades locais galegas; os preceptos básicos da Lei 38/2003, do 17 de novembro, xeral de subvencións, e do Real decreto 887/2006 que a desenvolve; a Lei 1/2016, do 18 de xaneiro, de transparencia e bo goberno; a Lei 39/2015, do 1 de outubro, do procedemento administrativo común das administracións públicas; a Lei 40/2015, do 1 de outubro, de réxime xurídico do sector público, e polas demais normas de dereito administrativo aplicables e, no seu defecto, polas normas de dereito privado.



A xurisdición contencioso-administrativa será a competente para resolver cuestións litixiosas que puidesen suscitarse entre as partes no desenvolvemento do presente convenio, dada a natureza administrativa deste.

### **Décimo terceira.- Publicidade e rexistro do convenio. Consentimento para a publicidade de datos persoais**

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicárase a subscrición deste convenio á Base de Datos Nacional de Subvencións que operará como sistema nacional de publicidade de subvencións.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Axencia de Turismo de Galicia publicará o texto íntegro do convenio.

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

Asemade, procederáase á inscrición do convenio no Rexistro Público de Subvencións conforme ao establecido no artigo 16 da Lei 9/2007, do 13 de xuño, e no Decreto 132/2006, do 27 de xullo.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal e mailo resto das especificacións contidas no convenio.

### **Décimo cuarta.- Protección de datos persoais**

As partes asinantes responsabilizaranse de que calquera tratamento de datos persoais que puideran levarse a cabo se realice con absoluto respecto ás normas de seguridade e de conformidade co establecido no Regulamento 2016/679 (UE) Xeral de Protección de datos (en adiante, RXPd), na Lei orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGDD) e demais normativa concordante.

Os datos persoais dos asinantes deste convenio serán tratados por cada unha das partes co fin de xestionar a súa formalización e desenvolvemento, sendo imprescindible para iso que inclúan os seus datos identificativos, a representación da capacidade que ostenten, e a súa sinatura. A base



lexitimadora do tratamento dos datos persoais dos asinantes é o cumprimento dunha misión realizada en interese público baseada na Lei 40/2015, do 1 de outubro, de réxime xurídico do sector público, e na necesidade de tratar os devanditos datos para a execución do convenio subscrito. Respecto dos datos persoais sobre os que a Axencia de Turismo de Galicia ostenta a condición de responsable do tratamento, as persoas interesadas poderán solicitar ante esta o acceso, rectificación e supresión, así como opoñerse ao seu tratamento a través da Sede Electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-dos-dereitos>. Contacto co/a delegado/a de protección de datos e información adicional en <https://www.xunta.gal/informacion-xeral-proteccion-datos>.

En canto aos datos persoais sobre os que o concello ostenta a condición de responsable do tratamento, as persoas interesadas poderán solicitar da devandita entidade o acceso, rectificación e supresión dos seus datos, así como opoñerse ao seu tratamento, a través do enderezo sinalado no encabezamento do presente convenio.

Así mesmo, as partes garanten o cumprimento do deber de información previsto no artigo 13 do RXPD respecto do persoal ao seu servizo, propio ou alleo, cuxos datos persoais sexan comunicados entre as partes para a execución dos seus compromisos.

### **Décimo quinta.-Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.



**Décimo sexta.-Vixencia do convenio**

A vixencia do convenio estenderase desde a súa sinatura ata o **31 de decembro de 2026**.

E en proba de conformidade de canto antecede, asinan este documento no lugar arriba indicado.

Pola Axencia de Turismo de Galicia

Polo Concello da Pastoriza

José Manuel Merelles Remy

Darío Cabaneiro Santomé

